

dibus foliis cauleque filiformibus, capsulisque latioribus invenitur, locis autem durioribus et celeriter exsiccatis folia canaliculata, culmus sulcatus, capsulaeque angustiores evadunt. Item *Carex panicea* var. *sparsiflora*, quæ in Lapponia usque in montes collesque adscendit, foliis planis est, capsulisque angustis; in paludibus limosis rarius provenit foliis canaliculato-triquetris, capsulis tumidis obtusisque; quibus omnino constare videtur, carices quo ad folia gracilesce in aqua, ut gramina vulgo, (Cfr. §. 27) solent; capsulas autem breviores fieri.

§. 52.

Quæ sit differentia vegetationis quo ad vestitum, magnitudinem ceterasque plantarum partes, ex humido vel siccitate oriundæ, jam supra breviter ostendimus. Quod reliquum est, breviter absolvere canabor. Plantæ terrestres gracilesce in aqua, cujus rei exempla vide supra (§. 27). Accedunt *Galium palustre* var. *serpens*, caulibus serpentibus diffusis, setaceis; foliis sublanceolatis quam in vulgari, duplo minoribus. A *Galio trifido* vix nisi flore grandiore dignoscitur. Hab. in fossis limosis, quibus exsiccatis, hæc varietas serpit inter carices et muscos. *Stellaria graminea*, var. *subuliginosa* g) foliis lanceolatis acuminatis, peduncu-

g) Conf. ulterius addenda IV.